



VOL. X. NO. 7.

FEBRUARY 15, 1907.

50 cents a year.

Published Monthly, at St. Michaels Fort Totten, P. O., N. Dakota.

ENTERED AS SECOND CLASS MATTER AT THE POST-OFFICE AT FORT TOTTEN, N. DAK.

CANKAICICUYA (CRUSADES)
OKICIZE KIN.
(Concluded.)

Godfrey wana waševa wicoñan wan on yuoninampi qon he iyovteve ecanl Egypt etanhan wicašayatapi kin akicita 300,000 nenakeca ob Otonwahe Wakan kin wowašake wan oniyani qon he ibangyapi kta on takpe upi. Godfrey akicita 20,000 nenala on naiçijn kta wicaynha canke innan hee. Jerusalem otowahe kin on ake akicita lenakelkeca iko-kicipapi kta hecina wominnciye ke. Canke Godfrey taakicita kin wica-giwitaya na okicize wan econpi kte kin iwogila. Iye akicita conalapi na unma eciyatannan hla wicotapi on oiyokišica. Godfrey taakicita kin nekta kin necece wominnciya el upi keš woi-tonpepeya wakaminpeyanpi ca ne tanyan slokiyapi. Na Wakantanka Tawookiye on hena wašag-yeñci okicize oniya aupi. Yunkan ake lenanl akicita wicotañci itkowicakipapi kta necina, wotawatelya šni selececa tka, Wakantanka e ecas necena wacin kiyapi. Lecei Godfrey okicize kte kin toyate el iyapana.

Taakicita kin tanyan ablezapi na binhelciyapi. Toketu ke eša tawa teiyapi. Ake Cankaicicuyapi wapa-na qon ikikcupi na iyayapi. Ascalon el lena akicita kin antipi canke etkiya yapi. Wana wicou kin wan-yakapi na wancak iyuna cankeška-makagle inajinpi na Wakantanka Tawookiye icekiyapi.

Sultan of Egypt taakicita kin womnayan abiti. Egypt etanhan akicita kin lena Jerusalem el Mo-namedan wocekiye opa qeva wawinangyapi tka Christians kin wicaktepi na otowahe kin icupi qon, he

wocekiye kin lena iušeya opapi yelakaš on šiwicakiciglap. Ieceñci natanan. Christians kin oniyapi na otowahe wan icupi kin he iyokipipi šni on leceñci takpe wicau. Akicita 300,000 nenakecapi qon he akicita 20,000 itkowicakipapi kta iyehanpi ke šni selececa. Conalapi kin takomni tawatelyapi kte šni na wicotapi kin waweceyapi kte šni, he oña yunka. Le Christians 20,000 kin tka taku keceyaš tawatelyapi Wakantanka owicakiya slokiyapi yelakaš. "Le Christians qeva Wakantanka Tawacin on Jerusalem Otowahe Wakan kin ni onyanpi qon he onkiyepi. Nakun le akicita qeva wicota au kin lena ake akta heci iyenakecapi ešaš kowiconkipapi šni," he iyuna awacinpi.

Wana kicizapi. Woi-tonpeya akicita conalapi qon tka oniyapi. Akicita qeva wokokiyepeya au qon ešni se onsiya owicakinampi na wayaka wicayuzapi. Wana le okicize kin on Christians kin Palestine makoce kin ataya oniyapi na on Christians kin tawocekiye kin glaheyeñci iyotin kta oniyapi, na iyotan Jerusalem Otowahe Wakan kin yuonhanvan onolaya giuhapi kta oniyapi. Cankaiciciya (susbeca) okicize kin le wana otokaheya leceñci nihunni.

Ake inonpa kin he inš waniyetu yawapi 1147 hetannan 1149 nenan-yan. Onaka 1146 kin heban Turks qeva lecaš onsiya wicaktepi qon he oyate ke kin etanhan Jerusalem el ikiyela otowahe wan Edessa eya caje-yatapi ca icupi na Christians tona el onpi kin hena wicaktepi na inš wayaka wicayuzapi. Wicaša 30,000 nenakeca wicaktepi na 16,000 nenakeca wayaka iwicacupi. Leceñci oñanpi canke Christians kin hla iyokipipi šni. Jerusalem otowahe kin he wi-

caša ota, wicamin stan ota wicokakiye ota on oniyapi yunkan ake Turks kin icupi kta hece makoce qeva wakan ca telilapi qon ake wicakipi kte kin tokel hlan pica kecinpi.

Henan Pope Eugenius III wicoñan wakan kin el on canke wancak St. Bernard, wicaša wakan kin he France na Germany ecel iyapana omani ši. Ake Christians oyate kin hla el cante yeyapi. St. Bernard eyapana omani qevaš lila wicocota inakam anagotan onpi. "Edessa otowahe kin Turks kin icupi na Christians oia ibangwicayapi. Ake Wakantanka Cinnintku Tamakoce wakan kin icu wacipi on neconpi. Yunkan iyowinwicacukiyapi kte šni. Naonki-cijinpi kta," eya eyapana omani. Ake wicaša wotahani hantupi ke eša wicašayatapi hetannan nukutakiya wicayanomni na taku ka hecina ne oña econpi kta icicuri. Ake akicita ospaya tanktanka icicagapi. Louis VII wicašayatapi kin he ospaye tanka wan el otandanyan awicaye. Le France etanhan. Conrad III pakun wicašayatapi. Germany etanhan ospaye wan awicaye. Louis ne taku on leceñci ozuye el icicu kin he woa hitapi tanka wan econ na on tawacin ekta hla inagiyeve on heon wokaške kañya zuya yin na Wakantanka Tawocekiye nakicijin kta iciconza. Le wicašayatapi kin tawowašake kin on, wowitan on, oyate el kpazo cin on, tona oyate wicayuna qon hena etkiya wankapaya šicaya ecawicakicon. Tipiwakan wan tuma wacekiye yankapi kin icuphan hulañya on wicaša 1,300 hepake hulinagapi. Ho yunkan le šicaya econ kin on tawacin ekta, cante mahel, hla nagiye iciya karišya on etanhan ozuye tawatelya.

Wana zuya kin iyayapi Greek makoce el inunpi yunkan hetanhan

wicašayatapi Emperor Manuel he awicayin kta icicu—makoce tanyan siol-yapi šni on. Yunkan tokel oomani šice kin Turks kin ipikilaya inangwicayapi kte qon oña awicayin na on Turks kin hecel ciapi qon oña upi yelakaš Christians kin hla tehiya wicakuwapi na wotansak te ye la wicaktepi. Le okicize kin Christians kin lecel wicaktepi eša Emperor Emanuel he kaga. He hecon šni kin toketu kta tka. Turks letanhan ake sanpa wašakapi na ake makoce tanka onicijapi.

Iyamni okicize kin he waniyetu yawapi 1189 hetannan 1192 nenan-yan. Le inš tuktetanhan iyotapi kin he Egypt wicašayatapi wan Saladin eciyapi ca ne taakicita ob Jerusalem kin Christians wicakipi on. Makoce wakan kin hena Christians gluhapi kin hetanhan waniyetu wicemna napeinyunka enant le hecel econpi. Taku on Christians ake lecel wicakuwapi kin iye Christians kin makoce tonakiya onpi kin hena witaya tawacimpi šni na witaya najinpi šni. Hittin el wešaš hingle kiciyapi na Christians akicita kin wicaktepi na Jerusalem wayaka yuzapi na wicašayatapi wan el yanke kin he kaškapi. Ake Turks tipi wakan, makoce wakan qon hena alhabaya inangyapi na taku wakan kin he sina inakintapi.

Wiyolipeyata Christians kin le nationpi na ake hla cante šicapi. Peter the Hermit na inš St. Bernard wana tuwenipi šni qevaš takomni tokel hlanpi kta awacinpi. Tokiya qevaš ake zuyapi kta icicupi ota hea.

Yunkan ake wicašayatapi na awicayapi kta iciconzapi. Frederick Barbarosa, Germany wicašayatapi kin, Philip Augustus, France wicašayatapi kin na Richard I, England

SINASAPA WOCEKIYE TAEYANPAHA.
REV. JEROME HUNT, O. S. B.
PUBLISHER and PROPRIETOR.
FORT TOTTEN. N. D. NORTH DAKOTA.

With the Approbation and
Blessing of Rt. Rev. John Shanley
D. D. Bishop of Fargo, N. Dakota.

FEBRUARY 15, 1907.

wicaſayatapi kin lena Palestine makoce kin he Christians ake gluhapi kta cin wicakiyapi on zuſayapi kta iſiconzapi.

Akicita oſpaye ſamni tanktanka hca igluwitayapi na iyayapi. Yunkan oſpaye kin he wanji lila obitipi ka on waoſungye iſipeyapi on ocaſtonpi ka. Canke itancan wan he wicayuha kin he ohakam caſtonpi. Richard I qon, "cante mnaja" eya cajeyatapi.

Frederick, Germany etanhan wicaſayatapi kin he taakicita qon hena inſ Asia Minor opta yapi ehanl hena hci wicakasotapi. Wakpa wan opta inonwan tka hel Frederick miniſa on ſanpa tona akicita nipi qon hena tuweni tanyan awicaye ſni on hece hci owicakihanpi. Tona nipi qon hena conala Germany ekta icicawin agli.

English na French akicita qon henaos ee tanyan iyoptapi. Lenaos "Walls of Acre" el Turks kin ob lila kicizapi. Lila tehan hepapi na hankeyaſ Christians kin ohiyapi. Mohammedans lila iſicimnapi. Mohammedans kin wicaſayatapi wan ohan oſte ka ca yuhapi. Saladin ecizapi kin hee. Lila okicize el iſicimna tka wana owicakini ſni canke lila onſiſiya ohan.

Richard I "Cante Mnaja" Palestine ogna taakicita ob ya yunkan wayazan. Saladin naſon na waskuyeca waſte hca qeya hiyu kiya. Ake "Cante Mnaja" taſunke kin akaiſiye-yapi yunkan Saladin ſunkakan waſte (Arabian horse) wan qu. Waniyetu nom ataya Saladin e nahan Cante Mnaja kici Jeruſalem otonwahe kin icupi kta akinilakiciyuhete yankapi. Lecehci akiciyuhetepi on unmaniſ wicakteſa na inſ kteſila ſni. Yunkan Richard I, Cante Mnaja woiakota kaſa cin on Saladin kici woyuſtan kin kaſapi. Christians kin toka ſni Mohammedans kin ob waniyetu ſamni ſam wi ſaglogan behanyan wowahwala on naſiye kiciyapi kte ſni. Christians kin Makoce Wakan el yapi kte na Jaffa hetanhan Tyre behanyan tuweni naſiye wicayin kte ſni. Le okicize hin behanyan inajin.

Itopa cankaicicuya okicize kin he waniyetu yawapi 1202 hetanhan 1204

behanyan. Le okicize kin inſ iye Christians ena oſkiſkapi on. Christians qeya wiyohinyanpatanhan makoce (Greece diſiſion) ecizatanhan onpi qon hena epi na Christians qeya Wiyohinyanpatan (Roman Church) ecizatanhanpi qon henaos icizokipiya iyoptapi ſni. Taku wanji onkikſuyapi kte kin he le Greeks kin he tawicaſayatapi ca Emperor Manuel ehake okicize kin he yuſice kin hee. Constantinople otonwahe he tawapi. Roman Christians kin Jeruſalem ekta yapi ſni ee Constantinople wayakayunzapi na wicaſayatapi wan el iyowaja ſni tka yanka canke heyab iyayapi na Alexius el iyowaja hce cin oſtan egnakapi.

Alexius kakel iyotake kin wancak oſkiſka hinglapi na ktepi. Roman Christians ake upi na iſikcin piya Constantinople icupi na Baldwin, (Count of Flanders) kin wicaſayatapi egnakapi. Le ohakam waniyetu wikcemna zaptan behanyan takuni toka ſni iyopta. Waniyetu yawapi 1261 behan ake Greeks kin Constantinople ikikeupi tka iſanpa Turks kin wicakipi. Le itopa okicize kin behanyan hinunni.

Cankaicicuya okicize kin le el aopeya okicize wan iyowaja. Wakanyeya cankaicicuya taokicize kin: Tuwa okahniſe ſni kin hecin kta. Eceſ wakanyeya ko ozuye opapi hunſe To. Henan Christian oyate kin lila wocekiye tehilapi yelakaſ cinapi wakanyeyapi kin etan najin he ogna wicaglaonſepi na ſutaya wocekiye nakicijimpi kta awacin wicakiyapi. Yunkan lecehci Wakantanka Cinhintku tamakoce wakan kin ſicaya woahtani econsa qeya el iyotakin na tanyan kuwapi ſni kin he naſonpi, canke etkiya lila awacinpi. Hokſila wan Stephen ecizapi ca he ieyapaha omani na wakanyeya kin iyuha anaſgotanpi on takomni iſiſiya Jeruſalem on zuſa yapi kta awacinpi. Yapi kta cinpi on takuni iſiſiye wicayapi okiniſi ſni. Wakanyeya kin lecehci ſkanpi canke on etanhan oyate kin nonpakiya awicayukcanpi. Wanjiſgi hecinpi: Wakantanka Cinhintku makoce el oonye kin he wakan yelakaſ wakanyeya kayeſ ne iyowajapi kin ſlokiyapi on Woniya Wakan kin iwicacu na wowapi wakan el wicoſe owa yanke kin he ece-tu kta. "Wakanyeya wan kaſka el awicayin kta" on Woniya Wakan kin oakahniſiya on heconpi. Le owicoſhan kecin tokel wicaſa tanka awacinpi qon he iyecel inſiſiya wayupiya walitagya ſkanpi on woiſonſepi ke. Hokſila wan (Stephen) egeſ lila wayupiya okahniſiya eyapana omani. Henanl unma ecizatanhan inſ he wa-

kanſica ca wicayuitomni keyapi. Pope kin inſ he "Christians kin le okicize iwatukapi na tawatayapi ſni se ſam el etonwanpi ſni on wakanyeya kin hena kiksuye okicicizapi" ecin.

Wakanyeya kin mnaicizapi na Marſeilles otonwahe el 30,000 French wakanyeya henakeca okawitaya ai. Hetanhan wata tanka ogna ewicayayapi. Lena tokeske hanpi kin Alexandria otonwahe Mohammedans onpi kin wiyopewicakiyapi na on etanhan wanjini tiyata gli ſni. Inſ German wakanyeya 50,000 henakeca Alps He kin opta iyayapi na Italy ekta ihunniſi. Hetanhan wata ogna Mediterranean Sea opta iyayapi na inonpa ecizatanhan tuweni onawicahon ſni. Lecehci wakanyeya kin iyotiyekiyapi on tona wakanyeya le wicoſhan kin iciconzapi qon hena yapi ſni tiyata onpi. Wakanyeya kin lena toketupi ke eſa hena wicoſhan wakan on hecel akipapi.

Cankaicicuya okicize izaptan, iſakpe, iſakowin na iſaglogan kin hena inſ wicotapi ſni na takunis wooyake hca econpi ſni. Eyaſ iſakpe kin he el Christians kin Saracens kin Jeruſalem wicakipi na nakun otonwane tonakel koya. Le waniyetu yawapi 1229 behan. Jeruſalem canke ake Christians kin gluhapi. Iſaglogan kin inſ waniyetu yawapi 1270 hetanhan 1272 behanyan. Le okicize otehiſe hca na Christians ota ani wicaktepi tka ohiyapi na Nazareth he icupi. Le el Turkey wicaſayatapi kin Christians ob wolakota kaſa.

Wana cankaicicuya okicize kin behanyan inunni kiſapi. Okicize tanka hca heca. Waniyetu opawinſe nom ſam wikcemna zaptan behanyan hepapi. Christians kin iye iyataye-la glawapi yunkan le okicize kin on Christians 2,000,000 na 6,000,000 he iokogna henakeca tpi—wicaktepi. Henanl taku woyuna woiyawa tanktanka yawa pica ſni atakunipi ſni.

Le okicize kin tona Wakantanka Tawocekiye wicalapi kin tanyan okahniſiſi na ſlolyapi kin waſte kta. Wakantanka Tawocekiye iyoptin kta on taku wocekiye ka wan (Mohamedan) on ikuſe kta Christians kin cinpi ſni on hecehci okicize econpi. Wakantanka Tawacin yelakaſ. Tawowaſake Tawocekiye on Christians kin ohitipi ka. Le econpi ſni kin Mohammedan wocekiye kin maka owancaya iyoptin kta tka naceca. Tka Wakantanka taku Tawa kin hena awanglake.

Christians ohiyapi on Wakantanka Tawocekiye kin glaheya iyopta na hetanhan taku ke eſa Christians iyukcanpi na okihiſi. Okicize kin heon Europe ataya taku ni tanyan iyopte

hce ſni. Iſtinme ſelececa.

Tka wana Wocekiye on ohiyapi on wicaſa kſape kin lila wiyukcanpi na taku keceyaſ ſanpa okahniſiſi. Wicakini ſelececa. Skinciya hinglapi. Le etu ca maka akani taku ota wicaſa ſlolyapi ſni wanjiſgi yuataniſi. Lila waſtſiyapi cinpi on wigniſi. Lila wiyukcanpi na skinciſiſi kin on Marco Polo e na Sir John Mandeville, Asia makoce el makoce tona tuweni oſlolye ſni qon hena iyeyapi. Heon etanhan nakun Christophus Columbus, Vasco De Gama na Magellan hena miniwanca akaul omaniſi na makoce tekteca iyeyapi. Nakun makoce olepi on waiſeyapi kin hecela ſni tka miniwanca ohuta ecekece otonwahe qeya hiſeye qon hena, Venice, Piſa na Genoa, makoce atokanl waicage qon hena wata ogna watokiyopeye wicoſhan lila iyopteyapi. Mediterranean Sea kin ſina wotokekiya wata kin ſka wanca. Heon etanhan nakun taku wookage toktokeca hca iyukcan iyeyapi. Toketu qeyaſ "Wakantanka Tawacin" wan Christians walitagya okicizapi on Wakantanka wicakicicajuju kin he iyecel hingla.

Cankaicicuya Okicize kin le econpi ſni kin Wakantanka Cinhintku hapi el Cankaicicuya wan he qon Mohammedan Hanhepi wi okiſe wape toktonpi wan ee egleti kta tka. Tka Christians Tacakaicicuya kin wowaſake ikoyaka on Christians ohiyapi.

JESUS CHRIST YUTAPIWAKAN EL OUNYE.

Portuguese koſka wan India ekta woyuha inſigni i. Waniyetu tona iyonakam icicawin Europe ekta gli. Wijica canke woyuna kin panayela aku. Wana tamakoce el glinunni tka katiſyan gle ſni. Tikiſyela gli najin na titakuye kin yuſiſiye wicayin kta cin on jica kin okitanin kta cin ſni on lila onſiſiya igluſin na konan titakuye kin ekta wicagli. Wicagnayan cin. Hayake hilehlecahan ece koyakin na tokaneya, Peter, tanſitku wan, ti ca el tima ki na heya. "John ecizapi wan tanhanſi niya ca he miye." India ekta tenanl icimani wai na leceya wagli. Takuwicawaye kin ake wanwicaweglakin kta on waku. Tka lila umaſika. Wotakuye on yati el waun kta iceciciya. "Tkaſ Peter heya: "Hehehi, John ociciya owakini yunkanſ hecetu tka wati kin ecaca okan ſni." Canke John iyopteya iyaya. Ake titakuye wan ti ca el i na ake iyecel wookiye icekiya tkaſ wicalapi ſni. Iciſamni na icitopa behanyan i tkaſ lila onſiſiya igluza on waciniyokiſicapi on wanji

toktok tankal hiyuyapi. Tka mitakuyepi, wanyankapo! Maka akanl wicasa kin taku koyakapi kin hena. Na akaptuya ikpazopi kes heca ece on wiyukcanpi. Hayake kin imabetanhan wicacante wan yanké kin he tanyan wanyakapi sni. ablezapi sni kes katinveya wiyukcanpi ecee.

John wana hehanyan kawinga. Miniwanca wata qeya oga wahpaye kicicahipi qon ekta ki. Icicawin tawowaşi kin kena ob otowahe etkiya iglaka kn. Woyuha waştesteñca. şunkakan waşteste heca oga ku. Otonwane el tipi inakeya waşte kin he opeton. Wancak he tuwe kin owancaya yaotaninpi. Iyotan titakuye qon hena lila itansak te kinicapi. "Hehehi! Ehani, ecinpi qeyas wana tokel lianpi ca sni," eyapi.

Le wicowoyake kin Itancan Unkitawapi kin e nahan unkiyepi. Christians kin tokel onkoñanpi kta hecina unkablezapi kta. Le wicasa kin jica tka wahpanica wokoyakin na titakuye el wicai. Yunkan Wakantanka Cihintku kin inşeya heceñci el onñipi sa. Yutapiwakan el wahpanica iglus onkiye el ai. Le wicasa kin ake inonpa titakuye el wicahi tka hehanyan jica igluzin na hi. He iyeceel Jesus Christ jica heca mahpiya wokiconze kin ecizatanihan wowaşake tanka oga inonpa el onkupi kin u kta. Yunkan wicasa qeya tankal hiyuyapi kin hena tuwe iwiconyacinpi kta huwo? Christians wicota heca hena e epi. Titakuyepi heca tka onşiya igluzi on el etonwan cinpi sni kin hena lehanl maka akanl Christians ota nececapi na Wakantanka Cihintku kin hecel onkuwapi kta iyeceetu huwo?

Tunwetu ka wan Jew wikoşka wan Christians kin Yutapiwakan icupi yunkan el opa. Unmapi kin lila ablezapi. Tka lila patuja na Yutapiwakan ohola se opiciya. Tka he Yutapiwakan kin cante manel ohola sni. Ikee iyognak yanka. Wakantanka Cihintku alihana se hecon. Takomni wacekiye i na Yutapiwakan icupi ca el opa tka cante manel wowicala on necon sni.

Yunkan lehanl wocekiye opapi kin wicota le Jew wikoşka kin ne iyeceel wocekiye opapi. Wowicala sutaya on wocekiye opapi sni. Wokpazo ka ecela on oyate kin tokel oñanpi oga cantepi sni kes na akanl wowokipapi ka on wocekiye opapi ka on opitkanyan wocekiye opapi. Yutapiwakan el Jesus on kin he wicaonlapi on topanl onkicupi kte kin cante manel sutaya wicaonlapi on abopeya onkicupi kta.

CANNONBALL, N. DAK.

Jan. 7, 1907.

Dear Eyanpaha;—

Cannonball ed wopapi kaga wan olyuhapi kin istinma heon miye atayena taku ecamon kin wagdaotanin kta. Hekta omaka kin 1906 ed iyotinveyiya waaitani egna kakişya omaka wan ekta omaunnipi heon mış piwada na Christmas ed \$24.60 wagdusota heon icante mawaşte; ecin Wakantanka cinca tonpi iyenand zaniyan wahinunni heon na omaka teca ed tiwane ocowasin zaniyan unñipi kin heon Wakantanka wopida nakekiyapi unkan mitakuye. Ito owasin inşeya Wakantanka wopida eyakiyapi qes ecanmi. Unkan taku wanji iyotan awacanmi kin he de e omaka teca ed wowapi wakan kin deced yawapi, Matt. 3. ed igdu ecetu po; mahpiya wokiconze kin wana kiyena u ce na Itancan tacanku wiyeya egna kapo na Itancan tacanku kin owotanna kaga po; eya yawapi unkan mış ed deced awacanmi. Tokedke unñanpi kinna Wakantanka tacanku owotanna unkağa pi kta huwo, ecanmi. Maka akan m onqonpi kin ded Wakantanka woopetona econ onşipi kin hena econ onqonpi kinna tacanku kin owotanna onkağapi na wiyeya eungnakapi kta nececa kinna mahpiya wokiconze kin ed taku owasin ungduştanpi kinhan iyuşkınyan naonjinpi kta kecanmi. Heon etanhan ni onqonpi kin ded taku waşte kin ecena mahpiya kta iyececa na Wakantanka eyapi kin sdoñnyanpi na naonñonpi qeyas isakam ikceke Wakantanka itakiciqi sni onqonpi kta iyecece şai wada.

Ho taku wanji nakun omaka teca ed awacanmi kin he dee Cannonball ed wicasa wanji wana kitanna waniyetu ota e wogdak şipi canna wopapi wakan owakañinge sni; heon taku epa owakini sni; koşkanaka wowapi onnispepi kin niye wowapi wakan iwogdakapi iyenicecapi, eyapi ecee wowapi kin he tonanwankantuya unkonspapi eşa heon mahpiyata onyanpi kta ee sni tuka ege onkitawacinpi kin he pionkiyapi na Wakantanka taku econ onşipi kin eced econqonpi kinna maka inanke kinhan ogdigde kin om onkiyuskinpi kta kecanmi heon etanhan koşkanaka kin wowapi wakan awacanmi waşte ecin wowapi wakan iyeepahapi kte cin woistece şai wanyakapo. Wakanşica ti kin etkiya waaitani tacanku wan nışotanka yakagapi kin he eş inistecapi kta eş nitawacinpi kin ed ohinniyun. Iapi nenana epa wacin.

Tona de wandakapi kinna wocekiye on onyekşuyapi wacin.

GEORGE STRIKES MANY.

ALLEN, S. DAK. Dec. 31, 1906.

Eyanpaha;—

St. Joseph na St. Mary okolakiciye lei onqonpi kin Christmas onyuhapi na el tonanyan wocon onyuhapi on he onklaotaninpi kta wacin. Omniciye tawomnaye kin on lenakeca onkayusotapi; Christmas el wotapi \$33.16 onyusotapi; Christmas hante el wokeyapi on yusotapi 87.75; na wicasa na winyan koya lenakeca 86 el onpi.

Hekta Oct. 1, 1906 okolakiciye api igiyapi na lena oitancan wicayustanpi.

William Randall itancan. Julian Whistler okine. John LeDeaux mazaska awanyaka. Thomas Fast Wolf wowapi kaga. John E. LeDeaux wocekiye eya. Frank Randall iapi awanyaka. Paul Iron Rope wamnaye. John Fast Wolf na Frank Meat kici wicahapi awanyakapi. Mart. Standing Soldier wowapi yuha mani. Antoine Bouyer tiyopa awanyaka. Antoine Randall. John Snort Bear, George Blue Legs na Joseph Randall Ogiglepi.

Ho mitakolapi, Wakantanka etkiya onkiçiconzapi qon he awicakeya lehanl onşkanpi. Yunkan wicasa wakan oyate iyaza omani. wicasa kin lila waşte; canke lila St. Joseph na St. Mary kinna omniciye kin lila el ewacinpi, na Mato Wakpala wawokiyé wan onyuhapi, Charles P. Randall e lila waşte. lenana on omniciye kin waonşakapi. Ho hehanyan kel epin kta. Nitakolapi

THOMAS FAST WOLF.

KYLE, S. DAK.

St. Mary omniciye apikiyapi na lena oitancanpi.

Annie Tatankawakinyan itancan. Agnes Morrison okine. Mary Bull Bear mazaska awanyaka. Josephine T. Bull wowapi kaga. Alice Packed wiyokine aya. Mary Young Bull Bear iapi awanyaka. Lucinda Pullian na Julia Little Chief wayazan awanyaka. Annie White Face wokağe awanyaka na wocekiye eya. Lucy Broken Leg okihe. Jazzie Wolfskin-belt tiyopa awanyaka. Louisa Shangreaux na Laura White Face okliklepi.

Lena oyasin iyokipiya winyan wacinye pica kin taku wakan on wowaşte econpi kta wiconyustanpi. Omniciye onkitawapi kin lei taku wanji onkiwaştepi kta wicasa wakan econ onşipi can econqonpi kte hein onşkanpi ece na wakaneyja wiconyuhapi kin hena ohinni wocekiye oga wanyankwicakiya onspewicunkiyapi kte hein onşkanpi yelakaş Christmas el wicincala ciscila wan oyate ota

wicotkam Itancan Tawocekiye kin katinyan eya nakun sam wanjigji aya lila ciqala tka hecon on Father Henry. S. J. lila iyokipi waniyetu 4 is zaptan he tukte etu. Nakun wanji ciqala ohinniyen wocekiye kiksuya iyunke kte na kika na wotapi oyasin el can icipawega kaga na wopila ohinni eya ece na le tohanl kuja kes tohanni pejuta on sni, ohinni wocekiye on ece taku oyasin el wapiya on ecel wana tanka waniyetu 3, Cecilia Horn Cloud eciyapi. Na onma waniyetu 4 he Lucy Little Chief eciyapi, nupin cepanş kiciyapi.

Ho wanyakapiye, ciqalapi eşaş onspewicakiyapi kin ognayan onspapi okinipi. St. Joseph na St. Mary cincapi kin nicincapi onspewicakiya po! Wicasa wakan eyapi qon he lila wicakapi. Can wan ojupi yunkan yutowotanyan ojupi canke tanyan icaga keyapi, na nakun wanji ojupi yunkan abopapi sni on himihimiyen icage, owanyank şica wagluia opeya keyapi qon he ohinni weksuye na wakaneyja ciqala bluha kin tanyan awanweglaka wacin na wocekiye oga onspewakiya onkan onspe can ojupi waşte kin iyececa kte şai tka alyopte yakel econ wacin ece; ecel omaka teca wan ekta iyuşkin wahi on oyasin cante waşte nape ciynzapi.

MARY HORN CLOUD.

WAKANKICIYUZAPI.

Kyle, S. Dak. Dec. 21, 1906.—

Ambrose Hernandez na Sophie R. Mosseaux.

William Peano na Mrs. Janis.

William Garnette Jr. na Annie Colhoff.

Louis Bullhead na Mary Fast Horse.

MINIA WICKASTANPI.

Kyle S. Dak.

Sallie, Dec. 14, tonpi, Jacob na Alice Packed cincapi.

William, November el tonpi, William na Annie Garnette cincapi.

Amoss, waniyetu 6, Warren Brave Eagle na Mary White Eye cincapi.

WICATA.

Kyle, S. Dak.—Paul Beanes koşka waşte wacinye pica onkitapi. Hokşila lila waşte. Holy Rosary Mission el wayawa na taku oyasin tanyan wayupika tka, hece cagu yazan on ta inşeya onkiyapi.

Izaptan can el tankşitku Apolonia ta. JOE HORN CLOUD.

JAN. 7, 1907.
www.libtool.com.cn

PORCUPINE, S. Dak. St. Joseph
omniciye kin lena itancanpi.

James Yellow Elk itancan.

Mark Afraid of Hawk okihe.

Howard Elk mazaska awanyaka.

William C. Red Fox wowapi kaga.

Albert Walker na Fred Red Fox
wayazan awanyankapi.

Paul Hairy Chin wapaha yuha.

Joseph Bring them na Frank Black
Tongue wicakicopi.

William Dogskin na John run-
ning in the middle wicahapi awan-
yakapi. See the Bear tiyopa awan-
yaka.

Ho lena ake Wakantanka etkiya
litanipi kta on wicakahnigapi. Wo-
cekiye on onyksuyapi nucinpi.

Oyasın micante on nape ciyuzapi
Nitakolapi wanji miye

WILLIAM C. RED FOX.

LITTLE WHITE RIVER. DIST.
ROSEBUD, S. DAK. Jan. 26, 1907.

Eyanpaha kin;—

Mitakolapi. lehanl

tona koskalaka yaonpi qon hena wo-
cekiye el taku wanji mahpiya ekta
onkamnapi kta iyececa kin zaniyan
na ni onqonpi icunhan okihi pica
yonś Wakantanka Tokiconze kin
onman onkiçiyapi kta awaoncinpi kin
anpetu enake el woviyuſkin tanka
ohionyanpi kta tuka, iyotan oinanke
wanil wowiyuſkin el onqonpi kta
onspeonkiçiyapi na awaoncinpi kta
waſte kecanmi. Yonkan Wakantan-
ka Cinhintku wicoſhan waſte on ma-
kata hi na maka owancaya wicoſhan
tanka wan wicaqu na kigle he wi-
coſhan kin gluecetu kta akiye on ni
onqonpi el iyotan Wakantanka To-
kiconze etanhan taku wanji hci awa-
cin onspeonkiçiyapi kta, onkitawa-
cinpi ekta onkawacinpi kta waſte.
Hececa kin Wakantanka itokab wo-
wiyuſkin on cante onwaſtepi kte kin
slolonyanpi kte. Ho. koskalakapi
tokel onpi slolkiyapi ſni on le miye-
cilaotanin wacin.

Lena St. Joseph okolakiciye citan-
pi.

Thomas Thompson itancan.

Silas Standing Elk, okihe.

Jesse Reddest wowapi kaga.

Mark Poorman mazaska awanyaka.

Henry Thin Elk lowan itancan.

Vitalis Yellow Hawk wi yokine aya.

George Spotted Elk; Levi Eagle

Dog, Ben Swift Crockery, James

Robert, John Bordeaux, waiters.

Martin Brave Eagle iapi awanyaka.

Arthur Two-hearts wayazan awan-

yaka. Paul Bear Heel tiyopa awan-

yaka.

Wocekiye nitawapi el miyeksuya-
pi wacin. Oyasın nape ciyuzapi.
JESSE REDDEST, Wowapi kaga.

FORT YATES, N. DAK.

JAN. 31, 1807.

Eyanpaha Mitakola;

Tokata July 6, 7, 8,

anpetu dena en omniciye tanka onyu-
hapi kta on mazaska nena mnaonyanpi.

Matoska 10.00

Šakehute 10.00

Louisa Ohitiwin 10.00

Mazaotiwin 10.00

Miniaku 10.00

Tanyankena 10.00

Anpetuskawin 10.00

Jack Ogleſa on 10.00

Itancanahdiwin 5.00

Joseph Cekpa 5.00

Mary Ocanna 5.00

Zitkanazi 5.00

Šunkawanbdi 5.00

Cinkpa 5.00

Itazipaduta 5.00

Joseph Jila 5.00

Atateyamni 5.00

Hehaka 5.00

Wonase 5.00

Matomna 5.00

Pejisnaynmani 6.00

Kangiwicasa 2.00

Matowitko 1.00

Goods 1.00

Tašunkeduzahan 1.00

Jennie Tunkanwakanwin 2.00

Louisa Takiniwin 1.00

Hinziahdiwin 1.00

Otayuhawin 1.00

Itancanahdiwin 1.00

Wiciqa 1.25

Wihinapewin 1.00

Wiyakawastewin 1.00

Šunsunahdiwin 1.00

Rachel Saniyayewin 1.00

Maggie Hehakagiwin .50

Mrs. Standing Soldier .25

Ataya \$164.00

Inyanwakagapi etanhan maza-

ska on ounkiyapi \$97.00

Pahayamni omniciye etanhan

dena on onkiyapi \$60.00

Wayawa Otitanka etanhan \$70.00

Okahmi omniciye etanhan \$65.30

Ituhuoju omniciye etanhan \$20.00

Inyancunkaſke omniciye " 10.00

Ptewaniyanpi wanji dena kicunpi.

Frank Gates, Mary Louisa Woki-

cinpiwin, Itancanahdiwin, Bennie

Standing Solaier, Wm. Halsey, Bap-

tist Waſakena, Okute Ahewanka,

Wonase, Cinkpa, Tokaode, Hintun-

kaska, Iſnanawica. Iaſica, Atonwan,

Ohdogeca, Walter Wohpa, Frank Wa-

kicun, Maggie Canſaſawin, Zitkawa-

stewin.

Hehan dena ſunkakan kiconpi.

Baptist Waſakena, John Wakinanica,

Matoinyanke, Chas. Halsey, Wm. Hal-
sey, Mary Cinpi, Pankeskadutawin
Honahonpiwin, Atayenaktewin.

Ho eya mitakuyepi henana obdakin
kte. Taku woyuha ikceya qa woyute
kicunpi kin yawa pica ſni, hena tokſa
ehakena hena wowapi kagapi kin hena
yuotaninpi kte.

St. Joseph qa St. Mary okodakiciye
owasin nape ciyuzapi.

AKICITANAJIN.

PINE RIDGE AGENCY, S. DAK.

Jan. 5, 1907.

Mitakolapi;—

Lecala Holy Roary Mis-
sion etanhan okolakiciye icaga cin
he lecetu.

Frank Jarvis itancan.

Eddie Sleeping Bear okihe.

John Black Cat wowapi kaga.

John Bighead mazaska awanyaka.

Joseph Little Crow ogligle.

Frank Baggage iapi awanyaka.

Joseph Chief Eagle tiyopa awanvaka.

May 16, 1906 heehan okolakiciye

wakan kin toka icaga. Okolakiciye

wakan onkuwapi kin le naſanſci

hunke ſni selececa; yunkan taku on

hececa hecinahan maka akan waw-

yutanyan kin yuke lakaſ wicaſa owa-

owasin iyutanyan najinpi lakaſ wica-

ſa conaia wicoſhan onkuwapi.

Iho, okolakiciye wakan onkuwapi

kin le maka akan wicoſhan heca ſni

ſka ohinni mahpiya eciyatanhan wi-

coſanſ heca. Iho heon etanhan wi-

caſa owasin na wicoſhan kin le el

upi kta ca hecel Wakantanka iwaho-

onyanpi. Wicaſa onconalapila eſa

tokel wicoſhan onkuwapi kin le el

wicaſa wanji na inſ nom ecel naſi

ni wiconkiyapi kta hecina wicaſa

owasin cante wicunkiyapi kta na

wicaſa owasin taku wicunyanpi kta

iycececa. Iho hecel wicoſhan kin le

el etonwanpi iyececa.

EDDIE SLEEPING BEAR.

CHERRY CREEK, S. DAK.

Christmas wocon kin \$44.00 he-

nakeca yusotapi.

William Tašunkewaſte, tunkaſila-

yapi na taiyeska kin. Abraham Kaſi

ſni Inyanke na wowapi kaga kin na

Committee kin Wanbliſ. Šunkawa-

nagi. na Šyoiyanka. mazaſkanſkan 4

enan tima eyaye, tka iyokipiya tima

yaye. Henry Šyoiyanke wocekiye

econ na he ecunhan wicaſa wakan

onkitawapi kin el hi canke he wowa-

pi wakan yawa na on etanhan wawa-

hokniye waſteſte eye. Wicaſa na

winyan Jesus tonpi eciyatanhan yu-

pipiya iwoglakapi. Mazaſkanſkan 6

sam okise oiyokipiya wotapi. Mi-

takuyepi, iyuſkinyeſci tuwe koſa Wa-

kantanka Cinhintku tonpi kin el iyu-

ſkin ayapi na on lila iyokipi eceya
ſkanpi. Tka mazaſkanſkan 12 sam
okise hehan wicotawacin kin tokeca
na taku iwoglakapi qon hena ataye
hece tokaſhan selececa. na nehan maka
akan wicoſhan kin lila kuwa awicani-
yu selececa na ptaya tipi wakan
ogna yankapi kin yuba hece ongnahel-
laka wanjiſgi glnape.

Mitakuyepi, tonantan Wakantanka

Cinhintku kin toiye oyake aonpe kin-

nan naſon waon, tka maka akan wa-

wiyutan otahece na he; wocekiye wa-

ſte yelakaſ tuweni hci ognia igluha

kecin eſa wowiyutan ota. canke wan-

ji waſtelake enantanſ woalitani econ

eececa. Heon maka akan taku wa-

wiyutan ota yelakaſ; waniyetu wi-

kcemna nom sam top takuni owapa

ſni tka lecala keſe omaka 1905 qon-

han ſinasapa owapa na wancak St.

Joseph omniciye wowapi kaga mayu-

ſtanpi, tka lila iyomakipi na iyuſkin

yeececi ſna wowapi wakage. Tka

eya tuwa maka akan woalitani ota

eſaſ mitakuyepi. Wakantanka etkiya

niciconzapi enantanſ wacintanka po!

Hecanonpi kinhan taku enicipazopi

kinhan wanlakapi kte. Na heon el

ewacannipi ſni kin taku kapi kin

wanlakapi kte oyakinipi ſni. Eya

maka akan Ikcewicasa onqonpi kin

he taku tona waſteonlapi kin hena

Wakantanka Cinhintku woalitani ye-

lakaſ hena ayuſtan wicaſi ece; na

maka akan taku tona waſtelapi ſni

hena Wakantanka ee waſtelaka. Ta-

ku tona waſtelapi ſni kin he lecetu

Eya wocekiye tawicoſhan kin hen el

wacintankapi kte okinipi ſni ke he-

on wake. Na hehan maka akanl ta-

ku waſteonlapi kin he na woalitani

kin he tehike ſni kin heon econpi

okihipi. Tuwe ke eyaſ na Jesus to-

iyeye kinhan waſte yelakaſ tuweni hci

ognaye hci igluha okihi ſni tka ee

ohinni Wakantanka ceſakiyapi kin

waſte. Mitakuyepi, wacintanka ye-

conpi kin he nakun waſte.

Mitakuyepi, wocekiye nitawa el

miyeksuyapi kta wacin.

GEORGE H. HUNTER.

INYANWAKAGAPI.

Jan. 25. Paul Igmuwakute, wani-

yetu 59 miniakaſtanpi.

Jan. 25. Paul Igmuwakute na Ro-

salia Uncali Kaſiwok wakankiciyu-

zapi.

Jan. 26, Paul Igmuwakute ſa.

Tokata Wakankiciyuzapi kta.

Louis Goodiron Owecinhankte,

Louis Tijujupi cinhintku na Julia

Horncloud Unpan.

Omakiyapi.

Claude Killspotted: Gleſkakte,

peji ognaka 1, wayahota ojutonpi 1.

FR. FRANCIS, O. S. B.

SUPPLEMENT TO THE 'EYANPAHA.'

www.libtool.com.cn

FEBRUARY 15, 1907.

REPORT OF CATHOLIC INDIAN MISSIONS AND WHITES ON STANDING ROCK AGENCY, NORTH DAKOTA, 1906.

	Baptisms:				Total.	Families.	Marriages.	Funerals.	No. of H. Communions.	No. of I. Communicants.	St. Joseph's Society.	St. Mary's Society.	Total Number of Members.	Number of Communicants.	No. of Souls.	
	Children.		Adults.													
	M	F	M	F												
St. Peter's Church, N. Dakota, Rev. Bernard O. S. B.	8	9	2	2	— 21	60	8	23	985	22	40	43	83	51	300	
St. James Porcupine N. Dak. Rev. Bernard, O. S. B.	9	3	1	2	— 15	40	2	8	396	—	40	45	85	—	200	30 miles West of Fort Yates.
St. Benedist's, Farm School, S. Dak. Rev. Bede, O. S. B.	8	5	3	—	— 16	72	4	13	1205	16	75	94	169	50	304	13 miles Touth of Fort Yates.
St. Aloysius', Grandriver, S. Dak. Rev. Bede, O. S. B.	6	9	2	—	— 17	76	2	14	995	12	84	103	192	10	319	40 miles South of Fort Yates.
St. Bede's, Oak Creek, S. Dak. Rev. Bede, O. S. B.		6	1	—	— 7	37	1	5	460	3	48	53	104	—	177	33 miles South of Fort Yates.
St. Edward's, Madbear's S. Dak. Rev. Francis, O. S. B.	1	1	—	—	— 2	10	—	1	226	—	17	18	35	—	43	33 miles, a little S. East of Ft. Yates.
St. Elizabeth's, Cannonbail, S. Dak. Rev. Francis, O. S. B.	2	10	—	—	— 12	59	3	10	553	1	59	76	123	—	216	25 miles North of Fort Yates.
Total	34	43	9	4	— 90	345	20	74	4325	54	354	440	794	111	1579	
WHITES.																
St. Bernard's, Winona, N. Dak. Rev. Bernard, O. S. B.	8	8	—	1	— 17	37	2	1	342	7					185	10 miles East of Fort Yates.
St. John's, Odense, N. Dak. Rev. Francis, O. S. B.	16	—	—	—	— 16	35	1	6	76	—					175	9 miles North East of Cannonball.
Fort Yates, whites, N. Dak. Rev. Bernard, O. S. B.	3	1	—	—	— 4	5	1	1	139	3					25	
	27	9	—	1	— 37	77	4	8	557	10					385	
Grand Total	61	52	9	5	— 127	422	24	82	5362	64					1964	

Holy Rosary-Mission,
Pine Ridge, S. Dak. Feb. 4, 1907.

St. Joseph na St. Mary omniciye
kin taku on iyopte šni kin.

Taku wanji Oglala Oyanke
el miglaotanin kta wacin. Yunkan
waniyetu ota wicoħan wašte kin le
onkuwapi tka oteħiya onkaupi, yun-
kan lenanl wana iwamatuka selececa
kin heon Eyapaħa el omiglakin kta
awacanmin. Yunkan taku tona on
etan hececa kin he lena ee, Tonanl
omniciye econqonpi na inš wotapi
econqonpi can tokel onkokinipi he-
cel wowiconqupi keš temoniyapi na
šna takuni wopila eyapi šni; Wani-
kiya onkitawapi caje on hena hecon-
qonpi yuke, keš ecanl giinapapi can-
na wayašice okiyayapi sa, na wamna-
onyanpi sa tuktel mniciye yankapi
iconhan keš takuni on oonkiyapi šni
na ee mazašala lowanpi na inš kan-
gi hayuħa wacipi canna el mazaska za-
ptan na inš wikcemna šna makoskanl
iħpeyapi sa. Ehanni iša Wanikiya
onkitawapi caje on mnionkiciyapi
can na el šna henaš oonkiyapi qeš
sanpa omniciye kin wašaka ayin kta
tka na sanpa wacinye pica tka. Yu-
kan hena tuwepi ca heconhaupi he-

cina lena eepi wayawa hokšila eya na
wayawa wicincala eya waniyetu ota
waonspewicakiyapi na mazaska ya-
wa pica šni yusotapi la., nenanl ne-
ktakiya Lakota wicaħcala eya taku
ni onspepi šni ca wacipi na waya
eececa ecela on ni onpi qon hecel on
pi cinpi na oħanpi. nanan hena epi
ca inupaya mazašala wicoħan el skau-
pi na el oħanyanpi. Na ake hena
epi ca owaci el pe ša onpi na el škan-
pi ħca nake hena epi ca škal aya can
na pahanayela šna wašikiqonpi na šna
yapi ituya el škanpi; Tunkašilayapi
taku tona tokatakiya onkakipapi kta
ca onkokiyakapi na onspeiciye on-
šipi na econ onšipi. Tonan ħca "Ci-
zens of the United States" neonce-
capi kta keye heon wowaš onspeici-
ciye onšipi; na onkicincapi makoce
wanji el ni onpi kta ħa onspeiciye
onšipi; na woyuħa yuħa onspeiciye
onšipi, na tokata wašicun ħca iyecel
onqunpi kta; heon wakanyeja otoi
yohi woonspe yunapi kta cin. Ho
tka wicaħcala taku on onya ececapi
kte cin oyasin oiowan ko iwayupipi
ya kaġapi na wana tuwa tanyan igi-
uħa aya canna aša kuwapi na šna yn-
ksa iħpeyapi na šna nenanaul lowan-
pi leya lowanpi; "Heceya cica ece,

iyotiyekiya yaon we," eya lowanpi.
Tuwe qon he caje yatapi na heyapi
ašapi na iwacinpi. Ho le taku wo-
iķiksape kin nece na taku oyasin iyo-
tiyekiyē šni ca onspeiciye onšipi.
Ho le wicoħan kin wana onspeonki-
ciyapi kta; heon ito tona St. Jo-
seph na St. Mary's na taku wakan
onounlapi kta hecina, tona St. Jo-
seph's na St. Mary's heoncecapi kta
hecin hena wana Tunkašilayapi taku
iwanounyanpi qon hena iyayustag
yus naonjinpi waste. Wokipajin le
heca šni na inš woinawizi nece šni,
tka lgiwinyeyapi wicoħan kin heca
e oyasin ayabiezapi naceca. Wicaša
tona waabieze šni qon neta le wo-
uawizi kecinpi, na tona nakwaka wi-
cašapi qon nena inš le woonakwake
kecinpi; tka wicaša tona inankeya
ksapapi eya tunkašilayapi taowakiye
qel Lakota kin tokel tokata onyapi
kte cin hena iwang kuwapi na yu-
štanpi na ecel onqonpi se wacinpi,
tka onkš oyate kin leci wicoħan to-
keca ħca wan inang onkiyapi le el
etonwe pica, na anapte pica. Ho
enake taku wanji epa wacin kin he
le e: Lena wicoħan kin Oglala
oyanke el yuħa onškanpi, hecel tona
taku wakan onolaya na naonjinpi

qon hena teħiya wicoħan wakan on-
kuwapi. Taku wan owakaħnige šni
kin le e: Ĥekta 1890 qon nehan
okicize wanji ičaġe yunkan Oglala
oyanke kin ata akicita opapi na wa-
kanyeja ota na winoħcala onunkešni
ota onšiya owicakiliħanpi. Wašicun
wawicayapi na ecel hena heconpi.
Ho lenanl wašicun tawicoħan wan
oniciupi kta yunkan akicita opapi qon
hena epi ca ħila ħininciyapi tunkaš-
ilayapi Oglala oyanke kin ataya onki-
kiyapi, hecel tunkašila tawoope kin
wana onkiupi iyehantu. Hecel on
Inyanwosla he na Hoħwoju na Si-
canħu na tona Šinasapa yakanpi kin
wicoħan wašte wana onkuwapi kin le
el oonyakiyapi ni ecanmi. Tona Ši-
nasapa neħicapi qon micante on nape-
ciyuzapi.

GEO. CLOSE.
Mazatipi omniciye etan.

Miniwakan Kin Woyazan Kaga
Okilhi He?

Wicaša wanji miniwakan ipi eca
etanhan anpetu ota iwayazanka ecee,
qa pejuta wicaša wan tanyan šdonya
cin heon šunka 2 iwicacu qa napin
tado ipi wicaye qa nehan iakan un-
ma miniwakan ota qu. Qa etanhan

winiyayena oape 12 hehan nupin wicakte qa tezi kin mahen wanwicayaka unkan umma miniwakan qon he rado yute qon hecehna owasin tezi kin en yanke; qa umma miniwakan qu sni qon he e tezi kin en takuna un sni. Hececa e hecen tuwe witko eca ibanhanna eca wayazanke qa miniwakan yatke sni ecen wote qon he na e e indepa yanka ecee. Heon wayazan kage hece kin e e tka abdezapi sni.

Miniwakan yatkanpi eca miniwakan kin he wicatanan kin isikcin iyopteya ecee; neon wayazan owastepi kecinpi. Tuqa ito de abdeza po! qa tanyan iyukan po! Toban tokiya dapi eca sunkakan kin icapsinte on awicayapapi eca nina nasdog iyayapi ece. Icapsinte kin heon sunkakan kin wowaake teca wica qapi idukanpi ne? Hiya! Icapsinte kin he on sunkakan kin isikcin iyanke wicakiyapi heon cistiyena duzanapi kes ecanahin kun iyayapi qa on iunsika iyayapi qa ecen tapi ecee; he iyecen miniwakan kin wica sta en iyopteya ece e. Cante kin he ohan koya isikcin iyopteya. Cante kin hehanyan iyopte kta wasake ya he sni tka miniwakan kin he isikcin iyopteya heon ecan wica sta tancan kin yusica qa woyazan yune qa ecen ta ece e. Wica sta tapi kin hanke isanpa hehanyan miniwakan on tapi; ota witko tapi; ota miniwakan yatkanpi on iwayazankapi qa ecen tapi qa nakun ota miniwakan on owicakaske tipi en yankapi qa nakun ota miniwakan on onsika tipi en yankapi, qa dena wica sta miniwakan yatke sni qa wica sta waste heca kin tamazaskapi on wotapi qa wakoyakapi kin he hecetu sni kin he dehan wana nina abdezapi qa nina akitapi. Heecen tokata wica sta witkosa kin token wicakuwapi kta hecinhan iyukanpi kta.

Mitakodapi, ito iyukanpo! De dawapi qa ibunni yayapi kin tanyan ekihnakapi qa ake yawapi qa ake iyukanpo; okini miniwakan kin wotehi qa wokakije tanka wanji en anii kta ce, ehan anii pi sni ecen ayustan po; qa miniwakan wanice kta kuwapi kin en wawokiyapo. Omaka wanji iyutapo; omaka wanji iyanunni kinhan, waste kin wandake kte. Kinhan hehan tohanyan yani adustan kta e on nigiconze kte kin he tehike kte sni.

Tokesta. eyapi sni po! tona datke cin hena iyohina miniwakan kin piya sutaya oniyuspa ecee ce. Aigibdeza wo! Wica sta henica qa wookahinge duha ce; wica sta waste token mani necinhan nis ecen mani wo. Hecece kinhan nicinca qa winyan nitawa ob cante waste ya yati ohnayan yaon kte.

FRANK DEMARCE.

FORT TOTTEN, N. DAK.

Feb. 9, 1907.

Eyanpaha kin;

Kangipaha oyate kin wocekiye onkitawapi kin en nina okiyapi July 6, 1907 Inyanbosdata en sinasapa omnicieye tankan yuhapi kte cin en Zutkanasapa \$5.00 on owicakiya; wica sta kin dena cinca qa takojakpaku yukapi heon dena Wakantanka en wayusnapi econpi; hecen cinapi qa takojakpakupi kin he na wocekiye onna tanyan icagapi kta okini wicaye kta heon.

JOHN STRAIT.

MINIAWICAKASTANPI.

Fort Totten, Dec. 21.—Jean, Dec. 3, 1906 hehan tonpi. Charles Mazakahomni qa Emma Oyewanyakapi cunwintkupi.

Dec. 27, Elizabeth, June 16, 1906 tonpi. Julia Tahonpi cunwintku.

Dec. 29, Peter, Feb. 8, 1906 tonpi. Stephen Ihawaštena qa Agnes Green cinhinkupi.

January 1, 1907. Agnes, waniyetu 7. William Ondesapaun qa Mary Wicinea cunwintkupi.

Jan. 5, Susie, Oct. 26, tonpi. Albert Black fox qa Bertha Odeapi cunwintkupi.

Jan. 27, Joseph, January 9, tonpi. William Sunkahotanin qa Cecilia Taninyanwastewin cinhinkupi.

OWANCAYA WOTANIN.

Imperial, N. Dak. el February 4, hehan Miss Elizabeth Madden wiko ska top ob mazopiye wan ekta wopeton ipi na tiyata kupi ehanl icamna tanka ahi na sunkakan qeya ogna wicaipi kin tokeške wicayugnayanpi ke kin on iyuba tuktekel spanspanpi na wanji ecaca cuwita te heca.

Rapid City, S. Dak. Hesapa ekta Cheyenne River, onkpa ekta tukte el wasicun wan Moyers eciyapi ca e nahan koska wan tahcašunkala awanwicayanka ca kici cuwita tapi. Sunkakan, ptewanyanpi na tahcašunkala kin lila sol ayapi oyakapi. He kta waniyetu 20 hehanyan hecehci waniyetu šice sni keyapi.

Waju wica sta wan A. W. Tallmann eciyapi ca Imperial, N. Dak. el ti ca he icamna ecanl mağa ekta wayanota hu hiyo i yunkan wayanota onakanye kin oga hinna wana mahetuya hci ai ehanl akaoksin na niya sni te. Tašunke kin tehanhci najinpi canke el wica sta wan wanyag i yunkan wica sta kin mahel ta yunka iyeya.

Esteven, Canada, eciyatanhan J. D. Latterville, Bowells el hi na heciya oyate kin osni kin icunhan okalya yankapi kte cin on lila kakijapi oya ka. Waju tipi kin, wazi tipi okinaš glasotapi kta iyukanpi.

Esmond, N. D. el anpetu 28 hehanyan hemani wanjini hi sni, canke otonwane kin can, makapeta on kakijapi on wazi tipi etanhan akiunpi.

Coal Harbor, N. Dak. el owote tipi wan, North Western Hotel kin he ile na ikiyela abankeya, mazaska tipi wan e na mazopiye top owecinhan hiyeya ca hena hugnaga.

Winnipeg ekta Jan. 23, qon hehan hemani wan ogna Galicians ota ogna glapi. St. Boniface otonwane el hemani ye hce ehanl lila iwoblu ahi na hemani sanpa ya okini sni wica sta zaptanpi na winyan qeya otonwane kin nel glapi canke epake maka iyutapi wanjila ecetu kecinpi na hemani heyab inajinpi na otonwane etkiya glapi tka itanena tokiyotan iyayapi tanin sni. Etanhan winyan wan hokšicala wan aloksohan ta yunka ca iyeyapi. Hokšicala ni yunke qeyas takomni tin kta. Wica sta wan nakun patinyela yunka ca nakun iyeyapi. Unmapi kin ecaca toki iyayapi taninpi sni, tka takomni insiya tapi iyukanpi.

North Dakota otonwane ota le waniyetu kin makapeta on na tuktekel woyute on lila kakijapi. Hemani kin iyopte sni hececa.

Afton, Va. ekta Mrs. James Ingram wotansak teyela wakanyeya wan gnuti. Tipi kin ikiyela wacipi kta canke hingnaku kin makamani ewanyankin kta iyaye. Enake hci winyan kin u si na eca sti tipi kin iwan yankin na icicawin ku na cunkaske wan el iyakipe kta glušanpi. Winyan qon wana ya. Cunkaske kapi qon el inunni itankal tuwa šap yela najin canke hingnaku hee kecin na wakanyeya qon he yuha kiya. Hecon na tankal hiyu iciye ecani hingnaku kin el itkob u. Qeyas wana tokiyotan wakanyeya qon eyayapi. Oye kin wanyakapi yunkan mato oye wana tanka heca iyeyapi. Osni canke mato kin ke tiwohan wokile hi na hecon.

Winnipeg, Man. ekta Jan. 7, qon hehan lila osni yunkan šunktokeca epi na wamakaškan hececa qon he na otonwane el nape ahi. Maštincala wanice kin heon otonwane he el

woyaptapi ole ichipi. Lila akihan te kinicapi canke lila wokokipepi oya-kapi.

Duluth, Minn. el January 7, hehan šunktokeca tanka zaptan otonwane el iglo ipi.

Chicago el wicincala wan Alice Glinker eciyapi oste yakel te. Omaka Teca anpetu kin hehan hunkake kin yugsenag wiwakta wicaya. Heya. "Letanhan anpetu nonpa kin mašin kte. Matanyan sni omigla hinga. Mamma, okanšni ciye se wan heon ogligle wakan waste kin hiyomaupi kta na imacupi kte—kinhan nake icante nišcin kte." Tka hunkake kin cešonglapi. Iyecana hci hunku kin hokšiksuye. Le icunhan pejuta wica sta wan Alice wanyanka tka wayazanke sni keya. Ianpetu nonpa ehanl ostan Alice atukuku el hi nahan sunkaku wan tonpi keya okiyaka. "Ate, okinaš ogligle waste kin he mamma kanipi hececa kin tohanl iblabie kin lila icante šicin kte sni heon. Miye qe ogligle wakan kin imacupi kta on ob wagni kta; wana hiyomaupi kta. Le upiye." Le heyina ilia yunke iwaštela istogmus ayin na ta.

Kirwin, Wyoming ekta February 5, qon hehan Heska eciyatanhan wa skan na tasaka on caga wan tanka heca oslohin na Charles Brunnett tawicu kici na Jack Reynolds hena iyaglaskicapi na wicakte.

Renville makokaške ol 1871 oma ka kin hehan maka icu ewati. Le Fort Ridgeley etanhan maka iyutapi akenonpa nahan. Wana hanhepi canne imunke ehanl icamna tanka wan hi. Kikta waniyayin na šunkonajin ekta tiyopa ecel iyewayin kta iblabie. Šunkonajin ekta iwahunni tka icicawin waku kte qon wanuni. Takuni wanblaka owakini sni. Istogmus pamahtapi selececa. Le icunhan lila macuwita. Wancak itaglahiwetakiya mni kta awacanmi. Tonakel ca ewagle tka wamahel iblabla. Ista kin wa omajula canke pawinwinl iyewayi yunkan petijanjan wanblaka. Ake ca ewagle yunkan wati kin iniyopa ostan hci omahinhpaya. Petijanjan ye kin he ileya ewagle sni kin okinaš heceyahci wanuni kta tka.

G. PETERSON.

FAIRFAX, MINN.

Eyanpaha kin lila wowapi qupi tka tehanhan hišunni sni on lehanl yaotanin kte sni, tokata wi kin heci wicaciyaotanin kta.